






PL  
2451  
T52  
1654  
v.7













斯文正統卷之七

祁陽後學蒙古刁 包選輯

伯子再瀛校正

記

永豐縣學孔子廟記

羅 倫

墓而師  
先正之見  
卓矣然亦  
尊以文非  
尊以道

王祀孔子尊已乎未也尊以文也非尊以道也道一  
也曷爲孔子尊乎衆人棄之聖人至之孔子者道之  
至也祖述堯舜憲章文武孔子之過所以至也至者  
立教棄者繇教繇其教不遵其道可乎開元禮自天



不如是而

稱北門弟

子顏之厚

矣

尊孔子於

身尊孔子

於家

子下執弟子禮尊以文也尊其道則未也中庸曰尊德性而道問學尊其道也尊之何宜靜宜畏焉動宜謹焉學宜博焉問宜切焉思宜密焉卑汙者宜易之以高明狹隘者宜易之以廣大傲戾者宜易之以溫良猥薄者宜易之以敦厚柔懦者宜易之以剛毅昏愚者宜易之以通敏本之身也視焉宜明聽焉宜聰貌焉宜恭言焉宜慎事焉宜敏移之家也爲父宜慈爲子宜孝爲兄弟宜友爲夫婦宜正爲甥族宜睦爲鄰里鄉黨宜恤時而我用達之天下也宜正君心以



尊孔子於

天下

以井田學

教尊之

以親賢遠

好尊之

以制禮作

樂尊之

以黜異端

辨曲學尊

之

以安內攘

外尊之

正朝廷正朝廷以正天下天下之人貧者宜富宜復井牧之制以養之俊秀者宜教宜復學校之制以育之教之成也賢者宜用宜復鄉舉里選之制以取之君子既進宜遠小人以成天下之務宜冠婚喪祭以厚天下之俗宜朝覲聘問以通天下之情宜黜佛老巫覡激左道之教以正天下之人心宜棄詞章浮華記誦涉獵之徒以端天下之士習宜斥權謀術數百家衆技之流以一天下之人才弗化也宜明刑辟以威之弗順也宜諸戎兵以備之天下一家中國一人



辛酉庚戌  
有目者辨  
之

尊孔子之道宜如此也。漢唐宋之君臣尊孔子之道。至此乎。雖今存可也。奈何其未至也。於戲。孔子之道。尊之至也。君焉堯舜文武矣。臣焉臯夔伊周矣。士焉顏魯思孟矣。奈何其未至也。今之尊孔子者。聞其所讀之書。孔子也。聽其言。觀其所綴之文。孔子也。求其所以爲孔子。則未也。昔有學孔子者。姓孔。字仲尼。升其堂。入其室。伏其几。襲其衣裳。曰。我仲尼也。求其所以爲仲尼。則未也。今之學孔子者。其猶此人之學孔子乎。優孟之學孫叔敖也。楚王以爲真叔敖也。求其



從國體以  
常心故曰  
滿街皆聖  
人

所以爲叔敖則未也。今之學孔子者其猶優孟之學  
叔敖乎。或曰夫子之不可及也猶天之不可階而升  
也。噫惑也。孔子之道不可及哉。盡觀諸身乎。吾手之  
持吾足之行吾聖人也。吾口之味吾目之視吾耳之  
聽吾聖人也。吾心之同然獨不聖人乎。聖人先得我  
心之同然者。故孟子曰乃所願則學孔子也。永豐縣  
學新孔子廟成初僉憲陳公驕倡之通判黃公隆承  
之大尹歐陽明成之。三公者其志於尊孔子之道者  
乎。佻來曰陳公曰子邑人也宜有以告邑人。倫故以



尊孔子之道告邑人

退之之文至矣及作孔子廟記便自索然無他見  
地未真故也一峯之文何其委曲詳盡而一無滲  
漏乎層巒疊障應接不暇使讀者若睹泰山而對  
梁木噫觀止矣



福州州學經史閣記

朱熹

日之漢  
罹

福州之學在東南爲最盛。弟子員常數百人。比年以來。教養無法。師生相視漠然如路人。以故風俗日衰。士氣不作。長老憂之。而不能有以救也。紹熙四年。今教授臨邛常君濬孫始至。旣日進諸生而告之以古昔聖賢敦學之意。又爲之飭厨饌。葺齋館以寧其居。然後謹其出入之防。嚴其課試之法。朝夕其間。訓誘不倦。於是學者競勸。始知常君之爲吾師。而常君之視諸生。亦閔閔焉。唯恐其不能自勉以進於學也。故



嘗慮其無書可讀。而業將病於不廣。則又爲之益置書史。合舊爲若干卷。度故御書閣之後。更爲重屋以藏之。而以書來請記其事。且致其諸生之意曰。願有以教之也。予惟古之學者。無他。明德新民。求各止於至善而已。夫其所明之德。所止之善。豈有待於外求哉。識其在我而敬以存之。其亦可矣。其所以必曰讀書云者。則以天地陰陽事物之理。修身事親。齊家及國。以至於平治天下之道。與凡聖賢之言行。古今之

禮物是  
細此其目

得失。禮樂之名數。下而至於食貨之源流。兵刑之法



學者將遂  
終於此耶  
抑亦大道  
中興有廢  
雲霧見青  
天日子

制是亦莫非吾之度內有不可得而精粗者。若非考  
諸載籍之文。沉潛叅伍以求其故。則亦無以明夫明  
德體用之全。而止其至善精微之極也。然自聖學不  
傳。世之爲士者。則其所以求於書。不越乎記誦訓詁  
文詞之間。以釣聲名干祿利而已。是以天下之書愈  
多。而理愈昧。學者之事愈勤。而心愈放。詞章愈麗。論  
議愈高。而其德業事功之實。愈無以逮乎古人。然非  
書之罪也。讀者不知學之有本。而無以爲之地也。今  
觀常君之爲教。旣開之以古人敦學之意。而後爲之



陸子靜之  
尊德性主  
陽明之致  
良知豈能  
出此方寸  
地而謂有  
異同乎

其文上卷  
三  
儲書以博其問辨之趣。建閣以致其奉守之嚴。則亦  
庶乎本末之有序矣。予雖有言。又何以加於此哉。然  
無已而有一焉。則亦曰。姑使二三子者。知夫爲學之  
本。有無待於外求者。而因以致其操存持守之力。使  
吾方寸之間。清明純一。真有以爲讀書之地。而後宏  
其規密其度。循其先後本末之序。以大玩乎閣中之  
藏。則夫天下之理。其必有以盡其纖悉。而一以貫之。  
異時所以措諸事業者。亦將有本而無窮矣。因序其  
事。而并書以遺之。二三子其勉之哉。



學之不明也經史閣作富貴庫誰能從中喚醒俾  
反而求之方寸間也

聖賢傳授要訣只是一個字此記反覆發明夫有  
所受之也薛文清曰讀書以防簡此心猶服藥以  
消磨此病噫命之矣

子輿氏曰學問之道無他求其放心而已矣余則  
曰求放心之道無他學問而已矣着實體驗當自  
見得



其文正系

卷之一

ア



稽山書院尊經閣記

王守仁

開口以性  
命身心解  
經直呼寐  
者而使之  
醒

四端五常  
是六經骨  
子

經常道也。其在於天謂之命。其賦於人謂之性。其主  
於身謂之心。心也。性也。命也。一也。通人物。達四海。塞  
天地。亘古今。無有乎弗具。無有乎弗同。無有乎或變  
者也。是常道也。其應乎感也。則爲惻隱。爲羞惡。爲辭  
讓。爲是非。其見於事也。則爲父子之親。爲君臣之義。  
爲夫婦之別。爲長幼之序。爲朋友之信。是惻隱也。羞  
惡也。辭讓也。是非也。是親也。義也。序也。別也。信也。一  
也。皆所謂心也。性也。命也。通人物。達四海。塞天地。亘



本經解而  
鑄化之用  
其理不用  
其辭

古今無有乎弗具。無有乎弗同。無有乎或變者也。是  
常道也。是常道也。以言其陰陽消息之行焉。則謂之  
易。以言其紀綱政事之施焉。則謂之書。以言其歌詠  
性情之發焉。則謂之詩。以言其條理節文之著焉。則  
謂之禮。以言其欣喜和平之生焉。則謂之樂。以言其  
誠僞邪正之辯焉。則謂之春秋。是陰陽消息之行也。  
以至於誠僞邪正之辯也。一也。皆所謂心也。性也。命  
也。通人物。達四海。塞天地。亘古今。無有乎弗具。無有  
乎弗同。無有乎或變者也。夫是之謂六經。六經者非



從外面說

向裏來以

志字括之

言其體

從裏面說

向外去以

詩字括之

言其用

他。吾。心。之。常。道。也。故。易。也。者。志。吾。心。之。陰。陽。消。息。者。  
也。書。也。者。志。吾。心。之。紀。綱。政。事。者。也。詩。也。者。志。吾。心。  
之。歌。詠。性。情。者。也。禮。也。者。志。吾。心。之。條。理。節。文。者。也。  
樂。也。者。志。吾。心。之。欣。喜。和。平。者。也。春。秋。也。者。志。吾。心。  
之。誠。僞。邪。正。者。也。君。子。之。於。六。經。也。求。之。吾。心。之。陰。  
陽。消。息。而。時。行。焉。所。以。尊。易。也。求。之。吾。心。之。紀。綱。政。  
事。而。時。施。焉。所。以。尊。書。也。求。之。吾。心。之。歌。詠。性。情。而。  
時。發。焉。所。以。尊。詩。也。求。之。吾。心。之。條。理。節。文。而。時。著。  
焉。所。以。尊。禮。也。求。之。吾。心。之。欣。喜。和。平。而。時。生。焉。所。



引喻妙絕

乾坤萬物  
之父母也

聖人述六  
經萬世之

父母也產

業庫藏之

積所以貽

其子孫者

甚明且備

後之人撫

其子孫

以尊樂也。求之吾心之誠僞邪正而時辯焉。所以尊  
春秋也。蓋昔者聖人之扶人極憂後世而述六經也。  
猶之富家者之父祖慮其產業庫藏之積其子孫者。  
或至於遺忘散失卒困窮而無以自全也。而記籍其  
家之所有以貽之使之世守其產業庫藏之積而享  
用焉。以免於困窮之患。故六經者吾心之記籍也。而  
六經之實則具於吾心。猶之產業庫藏之實積種種  
色色具存於其家。其記籍者特名狀數目而已。而世  
之學者不知求六經之實於吾心而徒考索於影響



有成業不  
能續承而  
光大之是  
謂不肖宗  
何徒取其  
所記籍之  
名狀數目  
以誇勝於  
人耶

亂經者植  
榮王安石  
是也侮經  
者公孫弘  
匡衡是也  
賊經者王  
莽及許敬  
宗呂惠卿

之。間。牽。制。於。文。義。之。末。經。經。然。以。爲。是。六。經。矣。是。猶  
富。家。之。子。孫。不。務。守。視。享。用。其。產。業。庫。藏。之。實。積。日  
遺。忘。散。失。至。爲。窶。人。丐。夫。而。猶。囂。囂。然。指。其。記。籍。曰。  
斯。吾。產。業。庫。藏。之。積。也。何。以。異。於。是。嗚。呼。六。經。之。學。  
其。不。明。於。世。非。一。朝。一。夕。之。故。矣。尚。功。利。崇。邪。說。是  
謂。亂。經。習。訓。詁。傳。記。誦。沒。溺。於。淺。聞。小。見。以。塗。天。下  
之。耳。目。是。謂。侮。經。侈。淫。辭。競。詭。辯。飾。奸。心。盜。行。逐。世  
壘。斷。而。猶。自。以。爲。通。經。是。謂。賊。經。若。是。者。是。并。其。所  
謂。記。籍。者。而。割。裂。棄。毀。之。矣。寧。復。知。所。以。爲。尊。經。也。



也。之徒見

乎。越城舊有稽山書院。在臥龍西岡。荒廢久矣。郡守  
渭南南君大吉。旣敷政於民。則慨然悼末學之支離。  
將進之以聖賢之道。於是使山陰令吳君瀛拓書院。  
而一新之。又爲尊經之閣。於其後曰。經正則庶民興。  
庶民興。斯無邪慝矣。閣成。請予一言以諗衆士。予旣  
不獲辭。則爲記之。若是。嗚呼。世之學者。得吾說而求  
諸其心焉。其亦庶乎知所以爲尊經也矣。

魏主髦幸太學。與群臣講諸經大義。群臣皆莫能  
及。而卒不免於敗亡。何哉。剽竊口耳。未嘗反而求



諸其心故也求諸其心而一一措諸躬行則履霜而知堅冰之至禮禁亂之所繇生猶防止水之所自來也有苗可格有扈可征又何用悻悻不平作潛龍詩以自傷耶王經之言卽子家羈之策又何至仗劒升輦蹈魯昭公之覆轍耶若曰司馬昭墓弑之勢已成魏寔不可爲矣則有楚公子比弑君之義在堅不應召可也

字每一二易便覺波浪千層蘇子瞻曰都是幾個字只要會安排於此文益信



其ノ一ノ系

クニハ一



重修山陰縣學記

王守仁

山陰之學歲久彌敝。教諭汪君瀚輩以謀於縣尹顧君鐸而一新之。請所以詔士之言於予。時予方在疚。辭未有以告也。已而顧君入爲秋官郎。洛陽吳君瀛來代。復增其所未備。而申前之請。昔予官留都。因京兆之請。記其學。而嘗有說矣。其大意以爲朝廷之所。以養士者。不專於舉業。而實望之以聖賢之學。今殿廡堂舍。節而輯之。餼廩條教。具而察之者。是有司之修學也。求天下之廣居安宅者。而修諸其身焉。此爲

後世信選  
與家言篇  
爲科第張  
本



書中庸  
小異大同

師爲弟子者之修學也。其時聞者皆惕然有省。然於凡所以爲學之說。則猶未之及詳。今請爲吾越之士一言之。夫聖人之學心學也。學以求盡其心而已。堯舜禹之相授受。曰。人心惟危。道心惟微。惟精惟一。允執厥中。道心者。率性之謂。而未雜於人。無聲無臭。至微而顯。誠之源也。人心則雜於人而危矣。僞之端矣。見孺子之入井。而惻隱。率性之道也。從而內交於其父母焉。要譽於鄉黨焉。則人心矣。饑而食。渴而飲。率性之道也。從而極滋味之美焉。恣口腹之饕焉。則人



漢道心爲  
金輿以五  
論爲門戶

心矣。惟一者一於道心也。惟精者慮道心之不一而  
或二之以人心也。道無不中。一於道心而不息。是謂  
允執厥中矣。一於道心。則存之無不中。而發之無不  
和。是故率是道心而發之於父子也。無不親。發之於  
君臣也。無不義。發之於夫婦長幼朋友也。無不別。無  
不序。無不信。是謂中節之和。天下之達道也。放四海  
而皆準。亘古今而不窮。天下之人同此心。同此性。同  
此達道也。舜使契爲司徒。而教以人倫。教之以此達  
道也。當是之時。人皆君子。而比屋可封。益教者惟以



是爲教而學者惟以是爲學也。聖人旣沒。心學晦而人僞行。功利訓詁記誦辭章之徒紛沓而起。支離決裂。歲盛月新。相沿相襲。各是其非。人心日熾而不復知有道心之微。間有覺其紕繆而略知反本求源者。則又閼然指爲禪學而群訾之。嗚呼。心學何繇而復明乎。夫禪之學與聖人之學。皆求盡其心也。亦相去毫釐耳。聖人之求盡其心也。以天地萬物爲一體也。吾之父子親矣。而天下有未親者焉。吾心未盡也。吾之君臣義矣。而天下有未義者焉。吾心未盡也。吾之

登一世於  
孔氏之堂  
而入其室  
其不祿義



門出入禮  
門焉是吾  
儒之修學  
也彼自私  
自利者何  
足以語此

毫厘千里  
急須認

夫婦別矣。長幼序矣。朋友信矣。而天下有未別。未序。  
未信者焉。吾心未盡也。吾之一家飽暖逸樂矣。而天。  
下有未飽暖逸樂者焉。其能以親乎。義乎。別序信乎。  
吾心未盡也。故於是有紀綱政事之設焉。有禮樂教。  
化之施焉。凡以裁成輔相成已成物而求盡吾心焉。  
耳。心盡而家以齊。國以治。天下以平。故聖人之學。不。  
出乎盡心。禪之學。非不以心爲說。然其意以爲是達。  
道也者。固吾之心也。吾惟不昧吾心於其中。則亦已。  
矣。而亦豈必屑屑於其外。其外有未當也。則亦豈必。



或疑陽明  
爲禪讀此  
便當了

其。又。正。統。卷。之。一。  
屑。屑。於。其。中。斯。亦。其。所。謂。盡。心。者。矣。而。不。知。已。陷。於。  
自。私。自。利。之。偏。是。以。外。人。倫。遺。事。物。以。之。獨。善。或。能。  
之。而。要。之。不。可。以。治。家。國。天。下。蓋。聖。人。之。學。無。人。已。  
無。內。外。一。天。地。萬。物。以。爲。心。而。禪。之。學。起。於。自。私。自。  
利。而。未。免。於。內。外。之。分。斯。其。以。爲。興。也。今。之。爲。心。性。  
之。學。者。而。果。外。人。倫。遺。事。物。則。誠。所。謂。禪。矣。使。其。未。  
嘗。外。人。倫。遺。事。物。而。專。以。存。心。養。性。爲。事。則。固。聖。門。  
精。一。之。學。也。而。可。謂。之。禪。乎。哉。世。之。學。者。承。沿。其。舉。  
業。詞。章。之。習。以。荒。穢。戕。伐。其。心。既。與。聖。人。盡。心。之。學。



相背而馳。日驚。日遠。莫知其所以抵極矣。有以心性之說而招之來歸者。則顧駭以爲禪。而反仇讐視之。不亦大可哀乎。夫不自知其爲非。而以非人者。是舊習之爲蔽。而未可遽以爲罪也。有知其非者矣。藐然視人之非。而不以告人者。自私者也。旣告之矣。旣知之矣。而猶冥然不以自反者。自棄者也。吾越多豪傑之士。其特然無所待而興者。爲不少矣。而亦容有蔽於舊習者乎。故吾因諸君之請。而特爲一言之。嗚呼。吾豈持爲吾越之士。一言之而已乎。

非越之言  
而天下萬

世之言



其下二卷  
殺人須就咽喉上着刀拿定心字其咽喉一刀乎  
夫是以節解支分咸中肯綮

程子曰人能將一個身公共放在天地萬物中一  
般樣看則有甚妨碍大哉言乎此吾儒之所以異  
于禪學也禪家明心見性只討自家受用那管他  
人死活若云普濟却又拍頭目腦髓而爲之利己  
則忘人利人則害己謬也甚矣

文公福州州學經史閣記文成稽山書院尊經閣  
記併山陰學記皆所以繼往聖開來學後有作者



其弗可及也已



其一二

分

三



安慶府學櫺星門記

羅倫

大極諸物  
判天生之  
地成之聖  
人造之却  
是家家有  
約

天上之家  
那得分門  
盡戶

此聖人之門也。上帝命之聖人立之。天下古今之人  
繇之以太極爲棟樑。音以陰陽爲闔闢。以五行爲往  
來。以六合爲垣宇。以誠爲根。音以敬爲鑄。以禮爲闡。  
尊以勇爲衛。以知爲先。入此門也。然後爲大成。其行  
天下之大道。其立天下之正位。其居天下之廣居。升  
其堂。其廣無外。入其室。其密無內。天下之高年。皆吾  
家之老也。天下之孤弱。皆吾家之幼也。天下之顛連  
無告者。皆吾家之兄若弟也。天下之昆蟲草木。動植



松願樂事

在此

百物皆吾家之黨與也。伏羲神農黃帝堯舜禹湯文武周公孔子之治。載之六經者。皆吾家之所以爲教也。其教之成也。根於心。晬於面。益於背。施於四體。而達於吾家。父安其慈。子安其孝。君安其仁。臣安其敬。長幼安其序。朋友安其信。男安於外。女安於內。士安於學。農安於耕。商賈安於貿遷。行旅安於役。天地萬物無不各安於其所。此吾家之教化也。庭草壇杏紅翠交映。天鳶淵魚飛躍上下。光風霽月。灑落無邊。此吾家之景象也。趙孟之貴。韓魏之富。視之如浮雲。然



旁蹊曲徑  
茫無歸宿  
覺

爲高生  
色

至吾家者必得其門而入。顏子入之而嘆其高堅。曾  
子入之而美其富潤。子思孟子入之而極其高明。廣  
大故曰堂高數仞。櫨題數尺。我得志弗爲也。其所見  
者大也。自是以來。漢儒以訓詁爲門。魏晉齊梁以老  
佛之虛無寂滅爲門。唐儒以文辭爲門。昌黎韓愈欲  
入其門而不以其道。孟氏而後入其門者。宋之諸子  
可數矣。或吟弄其光霽。或品題其風花。或洞闢其堂  
奧。或塗墍其垣墉。嗚呼。得其門者。或寡矣。以訓詁詞  
章爲門者。穴竇而入者也。以老佛異端爲門者。則迷



於秦莽之區而已。安慶府學櫺星門，舊處窳音與地。藥  
局前蒞教授泰和羅君用俊，至曰：象正大高明，豈斯  
稱哉！太守陳侯雲鶚貳守李侯芳間而是之，以白提  
學御史戴公珊、巡江御史譚公某。二公咸允，鳩工伐  
石，撤藥局以位靈星。前俯通衢，未竣而陳侯去。李侯  
終之，易學門於西，立泮官坊於舊靈星門，立泮橋於  
池上。甃音繡石而高大之，是有功於學。司書介諸生楊  
慶、陳偉來謁，文紀其成。二生歸，碑吾言於門，使游聖  
人之門者知在此而不在彼也。



東海西海同此門南海北海同此門千載上千載  
下同此門嚴其界限雖賢智不得濫入大其範圍  
雖愚不肖亦可同登開關啟鑰各有司存若不脫  
去名利二字偃偃乎其何之



黄二上糸  
卷之一

一



冉子祠堂碑記

茅坤

洛音名水名在  
易陽廣輿記

廣平府漢曰

廣平唐曰洛

州洛河在府

城北源出遼

州太行山

以合作想

像語說殺

便非

冉子鄆人也。去臨洛五百里。嘗事孔子。終身不求仕於洛。當不得應古稱鄉先生。死而祀於其社。亦不得有功德於洛之土者。洛之人。何以廟而祀之。洛之西五里。冉子墓在焉。豈孔子之門人。各以其學授諸侯之國。而冉子死於是耶。然冉子死而孔子與之訣。按史記。嘗稱孔子自衛西見趙簡子。聞竇鳴犢。舜華之殺也。臨河歔歔流涕而返。則孔子終身不入趙。而冉子之死。益死鄆也。豈冉子嘗授學於是。旣返而門。



聖門重義  
行言與力  
非所先也  
於此益信

其子工。終。人。或。得。其。所。遺。衣。冠。遂。愛。其。道。哀。其。死。而。相。與。謀。葬。之。後。之。人。因。墓。以。廟。耶。予。又。嘗。疑。孔。子。在。當。時。天。下。之。士。遊。於。其。門。墻。傑。然。者。衆。矣。若。季。路。之。攝。千。乘。子。貢。之。連。騎。結。駟。於。齊。魯。之。郊。而。亂。齊。存。魯。卜。子。夏。之。疏。序。雅。頌。皆。所。謂。政。事。文。章。之。哀。然。聲。稱。者。其。餘。虎。視。鱗。躍。翺。翔。儒。林。不。可。勝。數。然。皆。不。得。與。高。第。列。而。當。時。所。與。從。陳。蔡。之。間。者。獨。顏。淵。閔。子。騫。冉。伯。牛。仲。弓。之。徒。以。德。行。稱。彼。皆。無。所。謂。文。章。政。事。以。自。表。見。然。仲。弓。猶。爲。季。氏。宰。閔。子。騫。雖。不。爲。季。氏。宰。遺。母。器。



亦得以苦行力孝。稱內外昆弟之間。顏淵才高。孔子獨與終日言而不違。而問仁問邦。又簞瓢陋巷之居。數亟稱之不置也。至於伯牛。則絕無一言一行傳於齊魯論家。語。裨官野史之間。特孔子哀其疾之辭耳。以予觀之。冉子當言不出口。矧然儒者也。而亦無奇節特行。以自喜。州黨朋友之間。故後世不得而述焉。漢以來。自天子至州郡守令。王祀孔子。至執弟子禮。駿奔走。盛籩豆。凡入學合射養老獻觶之屬。不敢不廟謁以告。而冉子得並顏閔之徒。首配食之。趙古稱。



便諸公遊  
聖人之門  
常有韻  
子者矣

斯文正統卷之七

三

多悲歌慨懷慕義名俠之士者也。武靈王之霸，廉頗  
藺相如樂毅之勲業，平原公子之愛士，唐之宋璟，宋  
之李沆，彼所謂蓋世之賢也。然俱已頽落薶沒，不復  
賄記其所遺墓宮，徃徃里之童子，樵採嬉遊其上，而  
不復禁，而區區言不出口。如冉子者，數千百年後猶  
相與守其衣冠之葬以祭，何與？嗚呼，傳不云乎？太上  
立德，其次立功，其次立言，故士之好修，不必論著乎  
文，采聲施於國家，載名氏，撰藝實於竹帛，弔羹之間  
而苟自其所壑，遊谷處夷，然托行隱君子之則焉。百



世之下。固有聞風而俎豆者矣。郡守小潭唐君來謁冉子之墓。而加亭於其碣。復修葺故廟。屬予爲記。蓋將以孔門首德行之義。而教郡之士人者。嗚呼。予非閑於文辭者也。又頗自恠。性多迂踈。稍近薜蘿麋鹿之資。而不足以游世焉。要之功與言。皆不能矯者。而獨願乞身入山。學爲隱君子。如吾冉子。以附郡守之教。是或可勉而至焉。不知其許與遊否也。

此記與季子廟記俱稱得意之文。但春秋書吳子。使札來聘。良有深意。惟胡傳曲盡其妙。非鹿門之



學所可得而測識也若此記歷叙聖門高第及趙  
國豪傑之士特地形容生出無限波瀾無一語撰  
奇鑿空文章家有此進乎技矣



南雄州學四先生祠堂記

真德秀

從矣說起  
見四賢之  
生不偶

寶慶三年某月南雄州始立周子二程子朱子之祠  
於學教授三山陳應龍以書屬建人真某爲之記某  
曰四先生之道高矣美矣抑某之愚未能闕其藩也  
將何詞以記之雖然昔嘗聞其略矣道之大原出於  
天其用在天下其傳在聖賢此子思子之中庸所以  
有性道教之別也蓋性者智愚所同得道者今古之  
共祿而明道闡教以覺斯人則非聖賢莫能與故自  
堯舜至於孔子率五百歲而聖人出孔子既沒曾子



北孟而後  
五百歲之  
期矣

李謹

五星聚奎  
而周子出

子思與鄒孟氏復先後而推明之。百有餘歲之間。一  
聖三賢更相授受。然後堯舜禹湯文武周公之所以  
開天常立人紀者。粲焉昭陳。垂示罔極。然則天之生  
聖賢也。夫豈苟然哉。不幸戰國嬴秦以後。學術渙散。  
無所統盟。雖以董相韓文公之賢。相望於漢唐。而於  
淵源之正。體用之全。猶有未究其極者。故僅能著衛  
道之功於一時。而無以任傳道之責於萬世。天啟聖  
朝。文治休洽。於是天禧明道以來。迄於中興之世。大  
儒繼出。以主張斯文為己任。蓋孔孟之道。至周子而



應天字

應天字

復明。周子之道。至二程子而益明。二程之道。至朱子而大明。其視曾子子思鄒孟氏之傳。若合符節。豈人所能爲也哉。天也。然四先生之學。豈若世之立竒見。尚新說。求出乎前人所未及耶。此亦因乎天而已。蓋自荀揚氏以惡與混爲性。而不知天命之本然。老莊氏以虛無爲道。而不知天理之至實。佛氏以剋音滅滅爲教。而不知天叙之不可易。周子生乎絕學之後。乃獨深探本原。闡發幽秘。二程子見而知之。朱子又聞而知之。述作相承。本末具備。自是人知性不外。



應性道教

三字

和孟之傳  
如日中天

應天字

乎仁義禮智而惡與混非性也。道不離乎日用事物而虛無非道也。教必本於君臣父子夫婦昆弟而刻滅彛倫非教也。闡聖學之戶庭。祛世人之矇瞶。千載相傳之正統。其不在茲乎。嗚呼。天之幸斯文也。其亦至矣。南雄爲郡。邈在嶠南。士習視中州。號稱近厚。大以近厚之資。迪之以至正之學。必將有俛焉自力者。然陳君之所望於學者。果焉屬耶。天之命我。萬善具全。一毫有虧。是曠天職。昔之君子。凜然淵冰。沒世弗懈者。凡以全吾所受焉耳。嗟。後之世。何其與古戾也。



利欲之風深入肺腑。理義之習目爲濶迂。已之良貴棄置如弁髦。而軒裳外物則決性命以求之。弗舍也。吁。是可謂之大惑乎。志於道者。其將奚所用力乎。緬觀往昔百聖相傳。敬之一言。實其心法。蓋天下之理。惟中爲至。正惟誠爲至。極然敬所以中。不敬則無中也。敬而後能誠。非敬則無以爲誠也。氣之決驟軼於奔駟。敬則其銜轡也。情之橫放。甚於潰川。敬則其隄防也。故周子主靜之言。程子主一之訓。皆其爲人最切者。而子朱子又丁寧反復之。學者儻於是而知。



勉焉。思慮未萌。必戒。必懼。事物既接。必恭。必欽。動靜  
相因。無少間斷。則天德全。而人欲泯。大木之所以立  
達道之所以行。其不繇此歟。陳君幸以爲然。則願以  
此刻於祠之壁。爲學者觀省之助。若夫誦其言而不  
反諸躬。惟其名之趨。而匪實之踐。是豈四先生立教  
之意哉。又豈陳君所望於南邦之士者哉。

自帝王之傳全付尼山。曾子子思以迄鄒孟氏莫  
不各有著述。互相發明。是斯道一大開闢也。繇周  
而宋。篤生四賢。亦莫不各有著述。互相發明。是又



斯道一大開闢也一聖七賢其先天而天弗違後  
天而奉天時也嗣是之後似續而世守之足矣一  
有異論則操戈也西山是訓是行罔敢失墜以其  
踐之躬者筆之書是以若是乎其懇切周到也吾  
道功臣四先生知已備見雄州一記讀者詳之



其ノ上ノ糸ノ一



昌黎濂溪二先生祠記

真德秀

天地以聖  
賢立生民  
以聖賢安  
古人少  
他不得  
老氏之柱  
維依形而  
立却虛吾  
儒之柱維  
不依形而  
立却實

天地能自立乎。曰微聖賢則天地之經不正焉乎立。  
生民能自安乎。曰微聖賢則生民之極不建焉乎安。  
天之生聖賢也。其意固有在也。昔爲老氏之學者曰。  
天有柱。地有維。若皆依形而立者。吁。天地果以形而  
立。其不以形而壞乎。夫人性之有五。常人道之有五。  
品。此卽所以天之柱。地之維。而有生之類。所恃以爲  
安者也。一柱傾則塾。一維弛則隕。百昔聖賢所謂更  
相扶植。而不敢後者。以是焉耳。堯舜至於周公。扶植



之功見於事。孔子至於孟子。扶植之功見於言。言之與事。若或不同。然春秋成而亂賊之跡熄。楊墨懼而禽獸之道消。其有功於天地生民。則一而已矣。嗚呼。此聖賢之統紀。所以不可不續與。自孟子沒而聖學失傳。漢儒若董仲舒氏。楊雄氏。皆嘗以道自鳴。而性命之源。則有所未究。然賴其言。而世之學者。猶知尊道誼。尚名教。天理民彝。未盡泯絕。則亦不可謂非其力也。鄉使申蘇莊墨之徒。獨行乎中國。其不胥爲夷者。幾希。故嘗謂堯舜周孔之閒。皇極創造之勲也。漢

二子衛道之功亦未可沒

怎麼了得



原道  
言幾部包  
盡

世諸儒則區區持守而已。自漢至唐而有韓子。自唐  
至本朝而有周子。其斯道之中興乎。蓋昔者聖人言  
道必及器。言器必及道。盡性至命而非虛也。洒掃應  
對而非末也。自清淨寂滅之教行。乃始以日用爲糟  
糠。天倫爲疣贅。音贅韓子憂之。於是原道諸篇相繼而  
作。其語道德也。必本於仁義。而其分不離父子君臣  
之間。其法不過禮樂刑政之際。飲食裘葛。卽正理所  
存。斗斛權衡。亦至教所寓。道之大用。粲然復明者。韓  
子之功也。自湯誥論降衷。詩人賦物。則人知性之出



韓發前聖

所已發而

未暗其全

周發前聖

所未發而

宣發其始

於天而未知其爲善也。繼善成性。見於繫易。性無不善。述於七篇。人知性之善。而未知所以善也。周子因羣聖之已言。而推其所未言者。於圖發無極二五之妙。於書闡誠源誠立之指。昔也大極自爲太極。今知吾身有太極矣。昔也乾元自爲乾元。今知吾身卽乾元矣。有一性則有五常。有五常則有百善。循源而流。不假人力。道之全體。煥然復明者。周子之功也。二子之學。雖所造不同。而其扶持天常。植立人極。要皆有功。垂百世者。紹定元年。長樂朱侯。令袁之萬載。謂曰。



無所不之  
望而習焉

黎公在唐實自潮移守袁而濂溪先生亦嘗攝縣之  
濂溪鎮遺風餘韻在人未泯廼即學宮講堂之東爲  
堂三楹繪其象以祠書來曰願有識其惟韓子之於  
是邦雖善政良法有以及人而世之相去蓋已甚遠  
若周子則暫蒞焉治教所施有不得而聞者然則侯  
之祠之也果何爲耶意者天經地義之所存一或失  
政則民有不得其生者二子之道施之是邦者有限  
而播之天下者無窮此其祠之之旨也學於斯者盍  
味其言而思其人屹乎若泰山北斗之瞻粹乎若光



黎無風月  
之懷而祠  
濂溪豈所  
謂明德惟  
馨者與

其二  
風霽月之挹知道之大用常流行於天下而其全體  
具於吾心則知所以用力之地矣蓋韓子言其用而  
體未嘗不存周子言其體而用亦不外是也察體用  
於一源合知行於一致學者其思所以用其力哉若  
夫惟筆舌談說是工而亡反躬踐履之實甚者以惑  
世賈利焉是則二君子之罪人也。有志之士其尚戒  
諸。

坡公潮州廟碑記非不卓犖奇偉爲昌黎生色然  
其所鋪張而揚勵之者不過文章節義耳若原道



一篇幾嗣在茲之統則邈乎其未之及也西山獨一  
有見乎此故專取是篇與濂溪圖書併稱立天地  
之經建生民之極厥功偉矣此等識議坡公寔隔  
一層至於敘述太極圖通書之旨直配其功於湯  
之誥詩之歌孔子之繫易孟子之七篇而其要寃  
不越乎身心之間此則得之晦翁而暢其說也愚  
謂先生之學蓋子朱子之後一人而已非過也



其ノ上ノ糸ヲ  
糸ノ下

ニテ



二程先生祠記

朱熹

齊安在江淮間。最爲窮僻。而國朝以來。名卿賢大夫  
多辱居之。如王翰林。韓忠獻公。蘇文忠公。邦人至今  
樂稱。而於蘇氏尤致詳焉。至於河南兩程夫子。則亦  
生於此邦。而未有能道之者。何哉。蓋王公之文章。韓  
公之勲業。皆以震耀於一時。而其議論氣節。卓犖奇  
偉。尤足以驚動世俗之耳目。則又皆莫若蘇公之爲  
盛也。若程夫子。則其事業湮鬱。旣不得以表於當年。  
文詞平淡。又不足以誇於後世。獨其道學之妙。有不

至今尚  
多事



兩夫子  
胞兄弟  
踰年而  
生造物  
鍾靈何  
厚也

其  
可誣者。而又非知德者莫能知之。此其遺跡。所以不  
能無顯晦之殊。亦其理勢之宜然也。蓋天聖中。洛人  
大中大夫程公珦。初任爲黃陂尉。秩滿不能去。而遂  
家焉。實以明道元年壬申。生子曰顥。字伯淳。又以明  
年癸酉生子曰頤。字正叔。其後十有餘年。當慶曆丙  
戌。丁亥之間。攝貳南安。乃得獄掾春陵周公惇。頤而  
與之遊。於是二子因受學焉。而慨然始有求道之志。  
既乃得夫孔孟以來。不傳之緒。於遺經。遂以其學爲  
諸儒倡。則今所謂明道先生。伊川先生是也。先生之



生面  
如畫  
而兩先

學以大學論語中庸孟子爲標指而達於六經使人  
讀書窮理以誠其意正其心修其身而自家而國以  
及於天下其道坦而明其說簡而通其行端而實是  
蓋將有以振百代之沉迷而納之聖賢之域其視一  
時之事業詞章論議氣節所繫孰爲輕重所施孰爲  
短長當有能辨之者而世非徒不之好也甚者乃或  
目以道學之邪氣而必謗蔑之於斯時也苟無遭其  
伐木而削跡焉斯已幸矣尙何望於其餘哉今太守  
李府君乃能原念本始追誦遺烈立二夫子之祀於



學宮於以風勵其人而作興之。非其自信之篤而不以世俗之趨舍動其心。其孰能與於此。李侯名說音血字誠之。其爲此邦勤事愛民固多可紀。特於此舉尤足以見其趣操之不凡。而非衆人所能及。是以因其請記而論之。以告來者。使有考焉。

三公事業詞章論議氣節震古鑠今矣。以視二程道德則一點浮雲過太虛耳。平鋪淡叙各還其分量而止。非知德如考亭不能別白至此。



嚴先生祠堂記

范仲淹

事實一句  
不粘只約  
畧數言便  
自曲盡

子陵當泰  
之初九而  
用蠱之上  
九光武當  
乾之九五  
而用牛之  
初九非知  
易者其孰

先生光武之故人也。相尚以道。及帝握赤符。乘六龍。  
得聖人之時。臣妾億兆。天下孰加焉。惟先生以節高  
之。既而動星象。歸江湖。得聖人之清。泥塗軒冕。天下  
孰加焉。惟光武以禮下之。在蠱之上九。衆方有爲。而  
獨不事王侯。高尚其事。先生以之。在屯之初九。陽德  
方亨。而能以貴下賤。大得民也。光武以之。蓋先生之  
心。出乎日月之上。光武之量。包乎天地之外。徵先生  
不能成。光武之大。徵光武豈能遂。先生之高哉。而使



龍之義公  
著易義於  
此道尤精  
是以援引  
略如前兩

其  
貪夫廉。懦夫立。是以有功於名教也。尸祝而恤其子。  
始構堂而奠焉。乃復為其後者四家以奉祠事。又從  
孫司土者之責也。至范公始創之。可為秉義一嘆。  
而歌曰。雲山蒼蒼。江水泱泱。先生之風。山高水長。

說者謂光武廢后先生以糟糠之妻卜貧賤之交  
立論甚巧。侯霸拆簡招致。宜正其侮賈之罪。帝又  
以狂奴故態呼之。則同學時想未足以知先生也。  
桐江一絲繫漢九鼎。漢鼎墟而桐江至今生色。使  
當年為諫議大夫。其寂寞也久矣。

先生踐漢之上。食漢之毛。幾世於茲矣。莽墓不討。



賊漢興不從王謂宗國何以春秋責季札之義律  
之恐難爲賢者諱過也雖然帝之潛也未聞隆三  
顧之禮帝之見也未聞虛三公之位一旦召而臣  
之則公安得不囂囂然也武王順天應人而夷齊  
不食其粟光武祀漢配天而子陵不享其祿士固  
有志不可強也



其  
二  
終  
夕  
云  
一

三



唐狄梁公碑記

范仲淹

如雷轟中  
天

天地閉。孰將闢焉。日月蝕。孰將廓焉。大厦什。孰將起。  
焉。神器墜。孰將舉焉。巖巖乎克當其任者。惟梁公之。  
偉。歟。公諱仁傑。字懷英。太原人也。祖宗高烈。本傳在。  
矣。公爲子極於孝。爲臣極於忠。忠孝之外。揭如日月。  
者。敢歌於廟中。公嘗赴并州掾。過太行山。反瞻河陽。  
見白雲孤飛。曰。吾親在其下。久而不能去。左右爲之。  
感動。詩有跋。胝胝。屨傷君子。於役弗忘。其親之深。吁。  
嗟乎。孝之至也。忠之所繇。生乎公。嘗以同府掾當使。

求忠臣



於孝之  
西

事義留

絕域其母老疾公謂之曰奈何重太夫人萬里之憂  
請長史府請代行時長史司馬方毗睚不協感公之  
義歡如平生吁嗟乎與人交而先其憂况君臣之際  
乎公爲大理寺丞決諸道滯獄萬七千人天下服其  
平武衛將軍權善才坐伐昭陵栢高宗命戮之公抗  
奏不却上怒曰彼致我不孝左右逐公令出公前曰  
陛下以一樹而殺一將軍張釋之所謂假有盜長陵  
一桮土則將何法以加之臣豈敢奉詔陷陛下於不  
道帝意解善才得恕死吁嗟乎執法之官忠在少恩



禹代瞻仰  
信哉

公獨愛君以仁何所存之遠乎高宗幸汾陽宮道出  
妬女祠下彼俗謂盛服過者必有風雷之異并州發  
數萬人別開御道公爲知頻使曰天子之行風伯清  
塵雨師灑道彼何害哉遽命罷其役又公爲江南巡  
簡使奏毀淫祠千七百所所存惟夏禹太伯季子伍  
員四廟曰安使無功血食以亂明哲之祠乎吁嗟乎  
神猶正之而況於人乎公爲寧州刺史能撫戎夏郡  
人紀之碑及遷豫州會越王亂後緣坐七百人籍沒  
者五千口有使促行刑公緩之密表以聞曰臣言似



理逆人不言則辜陛下好生之意。表成復毀意不能定。彼成非本心。唯陛下矜焉。勅貸之。流於九原郡。道出寧州。舊治父老迎而勞之。曰。我狄使君活汝輩耶。相携哭於碑下。齋三日而去。吁。嗟乎。古謂民之父母。如公則過焉。斯人也。死而生之。豈父母之能乎。時宰相張光輔率師平越王之亂。將士貪暴。公拒之。不應。光輔怒曰。州將忽元帥耶。對曰。公以三十萬衆除一亂臣。彼脅從輩聞王師來。棄城而降者萬計。公縱暴兵殺降以爲功。使無辜之人肝腦塗地。如得尚方斬



馬劒加於君頸。雖死無恨。光輔不能屈。奏公不遜。左遷復州刺史。吁嗟乎。孟軻有言。威武不能挫。是爲大丈夫。其公之謂乎。爲地官侍郎。同鳳閣鸞臺平章事。爲來俊臣誣下獄。公曰。大周革命。萬物惟新。唐朝舊臣。甘從誅戮。因家人告變得免死。貶彭澤令。獄吏嘗抑公誣引楊執柔。公曰。天平。吾何能爲。以首觸柱。流血被面。彼懼而謝焉。吁嗟乎。陷穽之中。不義不爲。况廟堂之上乎。契丹陷冀州。起公爲魏州刺史。以禦焉。時河朔震動。咸驅民保郭郭。公至下令曰。百姓復爾。



業。寇來吾自當之。狄聞風而退。魏人爲之立碑。未幾入相。請罷戍疏勒等四鎮。以肥中國。又請罷安東以息江南之饋輸。識者韙之。北狄再寇趙定間。出公爲河北道元帥。狄退。就命公爲安撫大使。前爲突厥所脅從者。咸逃散山谷。公請出赦河北諸州。以安反側。朝廷從之。吁。嗟乎。四方之事。知無不爲。豈虛尚清談而已乎。公在相日。中宗幽房陵。則天欲立武三思爲儲嗣。一日問群臣可否。衆皆稱賀。公退而不荅。則天曰。無迺有異議乎。對曰。有之。一昨陛下命三思募武



辭夢中寓  
義錄

上。歲時之間數百人。及命廬陵三代之數日之間。應者十倍。臣知人心未厭唐德。則天怒。令策出。又一日。則天謂公曰。我夢雙陸不勝者何。對曰。雙陸不勝。官中無子也。復命策出。又一日。則天有疾。公入問。閣中。則天曰。我夢鸚鵡雙翅折者何。對曰。武者。陛下之姓。相王廬陵王。則陛下之羽翼也。是可折乎。時三思在側。怒發赤色。則天以公屢言不奪。一旦感悟。遣中使密召廬陵王。矯衣而入。人無知者。乃召公坐於簾外。而問曰。我欲立三思。群臣無不可者。惟侯公一言。從



至性至情  
有人心者  
能無感動

隆慶

之則與卿長保富貴。不從則無復得與卿相見矣。公  
從容對曰。太子天下之本。本一搖而天下動。陛下以  
一心之欲。輕天下之動哉。太宗百戰取天下。授之子  
孫。三思何與焉。昔高宗寢疾。令陛下權親軍國。陛下  
奄有神噐數十年。又將以三思爲後。如天下何。且姑  
與母孰親。子與姪孰近。立廬陵王。則陛下萬歲後。享  
唐之血食。立三思。則宗廟無祔姑之禮。臣不敢愛死。  
以奉制。陛下其圖焉。則天感泣。命褰簾使廬陵王拜  
公曰。今日國老與汝天子。公哭於地。則天命左右起



可  
公門桃李  
東之甚眾

之拊公背曰豈朕之臣社稷之臣耶已而奏曰還宮  
無儀孰爲太子復置廬陵王於龍門備禮以迎中外  
大悅吁嗟乎定天下之業斷天下之疑其至誠如神  
雷霆之威不得而變乎則天嘗命公擇人公曰欲何  
爲曰可將相者公曰如求文章則今宰相李嶠蘇味  
道足矣豈文士齷齪思得奇木以成天下之務乎荆  
州長史張柬之真宰相木誠老矣一朝用之尚能竭  
其心乃召拜洛州司馬他日又問人於公對曰臣前  
言張柬之雖遷洛州猶未用焉改秋官侍郎及召爲



相果能誅張易之輩返正中宗復則天爲皇太后吁  
嗟乎薄文華重才實其知人之深乎公之勲德不可  
殫言有論議數十萬言李邕載之別傳論者謂松栢  
不矢金石不柔受於天焉公爲大理丞抗天子而不  
屈在豫州日拒元帥而不下及居相位而能復廢主  
以正天下之本豈非剛正之氣出乎誠性見於事業  
當時優游薦紳之中顛而不決危而不持者亦何以  
哉某貶守鄱陽移丹徒郡道過彭澤謁公之祠而述  
焉又系之云商有三仁弗救其滅漢有四皓正於未



奪。嗚。呼。武。暴。如。火。李。寒。如。灰。何。心。不。隨。何。力。可。回。我。  
公。哀。傷。拯。天。之。亡。逆。長。風。而。孤。騫。迴。大。川。以。獨。航。金。  
可。革。公。不。可。革。孰。爲。乎。剛。地。可。動。公。不。可。動。孰。爲。乎。  
方。一。朝。感。通。群。陰。披。攘。天。子。既。臣。而。皇。天。下。既。周。而。  
唐。七。世。發。靈。萬。年。垂。光。噫。非。天。下。之。至。誠。其。孰。能。當。  
每。叙。一。段。輒。用。咏。嘆。語。足。之。寫。照。傳。神。吟。然。善。也。  
至。於。首。末。瑰。瑋。尤。足。以。勒。鼎。彝。而。光。日。月。非。文。正。  
安。能。作。此。文。非。文。惠。安。能。當。此。文。







重修文山祠記

王守仁

真入

袁州學記  
好處在爲  
子死孝爲

宋丞相文山文公之祠舊在廬陵之富田今螺川之  
有祠實肇於我孝皇之朝然亦因廢爲新多缺陋而  
未稱正德戊寅縣令邵德容始恢其議於郡守伍文  
定相與白諸巡撫巡按守巡諸司皆以是爲風化之  
所係也爭措財鳩工圖拓而新之協守令之力不再  
踰月而工萃圮者完隘者闢遺者舉巍然煥然不獨  
廟貌之改觀而吉之人士奔走瞻嘆翕然益起其忠  
孝之心則是舉之有益於名教也誠大矣使來請記



臣死忠二語此獨渾淪出之

魯仲連不免為氣節  
最收制而不免為客氣

嗚呼公之忠天下之達忠也。結推異類猶知敬慕而况其鄉之人乎。逆旅經行猶存尸祝而况其鄉之士乎。凡有職守皆知尊尚而况其土之官乎。然而鄉人之慕之也。三有司之崇尚之也。文公之沒。今且三百年矣。吉士之以氣節行義。後先炳耀。謂非聞公之風而興不可也。然忠義之降激而為氣節。氣節之弊流而為客氣。其上焉者無所為而為。固公所謂成仁取義者矣。其次有所為矣。然猶其氣之近於正者也。迨其弊也。遂有憑其憤戾粗鄙之氣以行其。嫉禍驚。



此則郭解  
一流

人人具有  
文山崇節  
不忠不義

之私。士流於矯拂。民入於健訟。人欲熾而天理滅。而猶自視以爲氣節。若是者。容有之乎。則於公之道。非所謂操戈入室者歟。吾故備而論之。以勗夫茲鄉之後進。使之去其偏。以歸於全。克其私。以反於正。不媿於公而已矣。今巡撫暨諸有司之表勵崇飾。固將以行其好德之心。振揚風教。詩所謂民之秉彝。好是懿德者也。人亦孰無是心。苟能充之。公之忠義在我矣。而又何羨乎。然而時之表勵崇飾。有好其實而崇之者。有慕其名而崇之者。有假其迹而崇之者。忠義有



祠宇之修

日甚一日

假其迹者

比比也慕

其名者間

有之好其

實者誰乎

其○一○  
諸○已○思○以○喻○諸○人○因○而○表○其○祠○宇○樹○之○風○聲○是○好○其○  
實○者○也○知○其○美○而○未○能○誠○諸○身○姑○以○修○其○祠○宇○彰○其○  
事○迹○是○慕○其○名○者○也○飾○之○祠○宇○而○壞○之○於○其○身○矯○之○  
文○具○而○敗○之○於○其○行○奸○以○掩○其○外○而○襲○以○阱○其○中○是○  
假○其○迹○者○也○若○是○者○容○有○之○乎○則○於○公○之○道○非○所○謂○  
毀○瓦○畫○墁○者○歟○吾○故○備○而○論○之○以○勗○夫○後○之○官○茲○土○  
者○使○無○徒○慕○其○名○而○務○求○其○實○毋○徒○修○公○之○祠○而○務○  
修○公○之○行○不○媿○於○公○而○已○矣○某○嘗○令○茲○邑○賭○公○祠○之○  
北○陋○而○未○能○恢○既○有○媿○於○諸○有○司○慨○其○風○聲○氣○習○之○



或弊而未能講去其偏復有媿於諸人士樂茲舉之  
有成也。推其媿心之言而爲之記。

尚論如先生文山當年心迹豈不能痛發一番作  
數百年知已然昔之人業已詳哉乎其言之矣故  
始終只以咏嘆語氣反覆激勵後人裨益風教良  
非淺鮮而又何拾人咳唾爲







寶慶忠節祠記

羅洪先

天也時也  
勢也以  
一理慶之

論事者。理常調而勢常勝。君子處事。未嘗奪於所勝。而病於所詘。夫君子豈不欲成天下之事哉。天之廢與不可取。必時之得失。不可強爲。以其不可強爲而取必者。橫於中。則顧慮觀望之釁漸生。而貞固迫切之誠日損。固有假雖死無益之言以文其過。而逃其議。皆失之於利害之較太深。而是非之斷不早。易素復而踰大諱。其職此矣。是故君子寧過於愚。無寧失之巧。寧正以敗。無寧倖以成。寧決性命於萬一。不測



時可爲則  
以武侯魏  
公爲法時  
不可爲則  
以屈平今  
女爲法

光景大類  
張睢陽

其。之。虞。無。寧。覲。面。目。以。取。償。於。歲。月。不。可。希。冀。之。會。非。  
昧。時。變。也。吾。之。是。非。其。理。固。然。不。容。解。於。心。也。不。逆。  
利。鈍。故。能。成。武。侯。之。忠。不。必。禍。福。故。能。大。魏。公。之。量。  
然。二。公。之。時。猶。可。言。也。屈。平。殞。身。於。楚。王。疎。斥。之。餘。  
令。女。矢。志。於。曹。氏。盡。絕。之。後。生。不。足。以。圖。存。沒。不。足。  
以。蠲。憤。雖。比。於。自。經。溝。瀆。可。也。彼。暇。計。夫。成。與。敗。益。  
與。否。哉。然。而。君。子。至。今。誦。之。宋。至。德。祐。譬。之。垂。絕。不。  
可。掇。藥。之。人。四。方。土。崩。非。有。同。盟。敵。愾。之。連。也。萬。里。  
孤。臣。非。有。殊。知。深。結。之。恩。也。海。嶺。播。遷。朝。命。不。通。非。



有重購嚴憲之誘迫也。遠近送款。靡然成風。非有卑辭微文之譙摘也。而寶慶以彈丸之地。在楚西南之徼。泰和曾公通判攝事。守孤懸無援之壘。當乘勝得志之寇。畢命遂志。與城俱亡。其視國家創造之始。臣主兩得之秋。果可同日語哉。先儒有言曰。死天下事。易成天下事難。此爲不善處死者言之也。雖然。死而不足以成事者有矣。未有能成天下之事。而其身不能死者也。故求成於事之可爲者非難。求成於事之不可爲者爲難。死於事之必可爲者非難。而死於事



之必不可爲者有甚難也。公非其人歟。

全以議論行文故事迹頗畧而正氣凜凜攸存讀其文者不獨曾公之面目如生併先生之面目亦如生矣

三羅皆理學名臣也文毅獲睹全集文恭得兩藝於別集中文莊之文則無一有也三陳鼎立如三羅所見者亦惟有白沙集耳憾事憾事



鄂州張烈女祠堂碑記

羅願

以自衣妻  
而獲封縣  
若奇節亦  
奇遇

嘉祐三年春正月甲申有詔封江夏民妻張氏爲旌  
德縣君表其墓曰烈女勅州縣致奠且賜其家酒帛  
謹按張氏鄂州江夏縣人嫁爲民妻里中少年有謝  
師乞者過其家欲通之脇以白刃張氏大罵曰庸奴  
我寧死豈從汝邪師乞割其咽未卽死猶捽師乞以  
告事聞有是命後百餘年願來爲州訪問故所表烈  
女處中更兵火吏民無知者距城東十里有黃鶴山  
州人之墓者多在焉歲時拜掃必至所謂勝緣僧舍



男女非有  
行媒不相  
知名非受  
幣不交不  
親皆以厚  
別也

者乃與通判劉君謀立祠其中。以稱明詔之遺意。夫  
男女之際。聖人嚴之。尊其冠婚。而定其配偶。限其內  
外。而別其氏出。粲然有倫。不相凌越。斯人之所以別  
於禽獸。率是道也。亂之生也。起於逸居之小人。誘於  
耳目。不勝血氣。舍其良心。而慢其遺體。甚則侵尋於  
非禮。如夜行之犯露。有不能勝。則易愛爲忍。至於殺  
人以求之。譬如當晝狂走。抵株枿而蹈水火。禮不能  
止。法不能禁。禍多唱於陽。而成於陰。以失身喪偶。亂  
倫滅類。亦何可勝數。而婦人女子。乃有能明一定之



之所以  
報烈女者  
固不薄

分不倍其夫不辱其親身可危而志不可折者是豈  
不繫於其人也哉夫殺身成仁舍生取義此學者之  
志而大丈夫之事也顧家人女子乃能之用心如日  
月厲操如霜雪信如寒暑之不遷堅如金石之不化  
故以匹婦之微而齒於封君之貴生百代之後而擬  
於上世之烈處窮閭之下而揚於天子之庭其家有  
賜其位有奠其藏有表精神凜凜人益可敬而彼一  
時狂子固已戮之有司淫昏之魄泯沒不靈夷考其  
初則生相適也死相踵也然或榮如升於天或辱如



通今讀之  
猶使人有  
秣馬秣駒  
之願

墜於淵。繫於念。慮操舍之間。爾雖然是女者。非特以  
一時能死爲諒也。彼其平居服從君上之教。而安受  
父母之訓。動靜專一。中志定矣。故雖遇倉卒之際。而  
不亂。夫鄂通達之州。江漢會焉。周之興也。此方之男  
女先被其化。其詩曰。南有喬木。不可休息。漢有游女。  
不可求思。漢之廣矣。不可詠思。江之永矣。不可方思。  
蓋女雖閒暇。而使人退聽。不敢存。凱俞之念。男雖感  
悅。而隨即自克。以能復思。慮之正。故繫之周南。是女  
雖不幸遭變。然能自潔清。不屈於強暴。亦又出於詩



風江漢之域惜其不得如漢女之從容而徒爲召南  
貞信之頌是可歎也自頃歲以來五民僑處爲吏者  
思擇令典以示民深惟國家每三歲常詔有司崇古  
丘墓而顯孝子順孫正婦此祠之設一動而二義附  
焉使方來之人過而問其故察彼柔弱之質猶能以  
禮自終况爲男子何忍觸情縱欲自棄於不義而婦  
人女子觀而化者思彼當事之變獨爲其所難則凡  
平居修飾毋失身於苟賤乃事之易者皆可以自警  
云爾。



昔皇甫規卒其妻年盛而容色美董卓爲相國承  
其名婢以駟輜百乘馬二十匹奴婢錢帛充路妻  
乃輕服詣卓門跪自陳情辭甚酸愴卓使傳奴侍  
者悉拔刀圍之謂曰孤之威教欲令四海風靡何  
有不行於一婦人乎妻知不免乃立罵卓曰君羗  
胡之種毒害天下猶未足邪妾之先人清德弈世  
皇甫氏文武上才爲漢忠臣君親非其超使走吏  
乎敢欲行非禮於爾君夫人邪卓乃引車庭中以  
其頭懸轆轤樸交下妻謂持杖者曰何不重乎速



盡爲惠遂死車下後人圖畫號曰禮宗此固曰名  
門世閥也張氏出自微賤當強暴凌污之際而能  
皎皎自守屹如山立不可動搖直與禮宗同光史  
冊彼悚息於刀鋸鼎鑊之下而失身以偷生者視  
此寧無汗顏耶上膺朝廷之寵賚而遠被鄂州之  
瑤篇非幸也



其方工絶

四ノ



求忠書院記

陳繼儒

松府治之西有求忠書院者何爲特祀遜志方先生  
而割也先生生於天台死節於金陵於松何居曰松  
有先生後在焉後何居曰葉公瑗謝公鐸張公汝弼  
王公世貞詳哉言之矣且方氏手蹟支譜甚夥而詳  
先生血胤在松則血食亦宜在松此特祠之所繇建  
云當先生抗命時魏澤以刑部尚書謫寧海尉受詔  
捕方氏幼子德宗垂九歲澤匿之有台人秀才余學  
夔者乞食翔於市口喃喃唱歌以諷澤澤心動叱曰  
孤者不遺

當於慘

死之日而

諸公所以

保護遺

孤者不遺



餘方居然

萬死一生

也嗚呼人

傑也哉

扶顛子去越兩日途遇歌如前澤知其爲義士也乃  
密托德宗于余人松江島嶼中歷青村諸鎮以織網  
貿米得活余又潛入郡屬祠部郎俞允護翼焉時任  
勉爲叅政家居聞之就見德宗於余初引却怖而欲  
逃勉出癸酉錄示之知允與勉皆先生門生乃始安  
自此各爲異人陰相往來允妻以養女冒俞氏恐同  
姓賈禍旋改余轉遷白沙鄉而學夔亦遠遯不得跡  
矣德宗三子俞生者友直友諒繼許生者友竹子孫  
繁衍具居華亭本末詳載譜萬曆己酉督學楊公廷



錄訪其事於司理毛公一驚。毛公訪之陳子繼儒得實。楊公捐俸三百金。馳檄立祠。復其姓。衣冠其大宗之。孫顯節而祠尙有待也。太守張公九德適至。挺身許曰。九德先生之鄉人也。德不而任。誰當任者。天以方先生六尺之孤。委之雲間。昔日方氏之存滅。在魏在余。今日方氏之存滅。在我。有如聽其自續。自絕。自明。自晦。豈惟塗視方先生實與屠剪錮禁。何異異日天子詔求先生後。其安所置對。將遂爲子虛亡是公而已乎。古者愛羊及鳥。存大體也。子第爲尸。迎生氣。



也。況以先生之血胤薦先生之血食。時響相屬。夫寧不欲於是謀之華亭令。聶公紹昌。蠲吉鳩工。莊嚴廟貌。崇祀先生。而魏公澤。余公學夔。俞公允。任公勉。徐公善安。配焉。構以重堂。繚以峻垣。翼以兩廡。門敞而扉。滌祭。而田備。秋毫皆太守張公力也。祠成之日。太守以庚戌冬至。率僚屬迎主入祠。謁奠成禮。士民樂觀者萬餘人。及辛亥端午。命陳子繼儒爲之記。陳子再拜稽首而謝曰。異哉。此舉昔者文皇帝以叔代姪。此古今一大鼎革也。先生縗絰入闕。哭聲震殿。刁



至仁至  
寒心而方  
公怡然爲

環築口批及兩耳收妻女赤十族市先生肉者賜之  
金發先生之祖骸者投之井此古今之大慘也天子  
與孤臣爲難豈趙朔李回比哉予遺所在前有賞後  
有誅踰天踰地晝伏夜行千鈞引絲所餘有幾此古  
今一大險也遺蛇不敢收遺札不敢藏子綵不敢自  
名其祖春秋家祭嘿對飲泣卽有好義乎古之士疇  
敢向先生禮一瓣香者此古今一大鬱也今皇帝登  
極首詔表章諸君子復天台之故墟修金陵之舊塚  
請補賜謚而未及子孫特不知一塊忠義血正在松



曰大快曰  
大絕迷曰  
大榜樣曰  
大因緣皆  
所以步前  
世之大慘  
天陰不鬱

耳。今二百餘丁。悉復古姓。退而耕鑿。進而絃誦。濟濟  
蹒蹒。歌斯哭斯。九重無必。仲之戚而十族無必。餒之  
鬼。此古今一大快也。忠義激而爲憤。哀湘。詛楚之詞。  
非後史之所必及者。歟。而先生俎豆儼然。箕裘無恙。  
以此調人。鬼之不平。而關百世之橫口。此古今一大  
繼述也。廟貌既新。講學院中。瞻仰先生。則夷齊尚在。  
同難者八百七十三人。則田橫五百義士尚在。若魏  
若余。若徐若任。則趙朔之杵臼程嬰。李固之王成。尚  
在此。古今一大榜樣也。先生爲浙中第一名儒。爲國



朝第一忠臣。而發潛閭幽訪求先生之後者。則督學  
楊公自武林。司理毛公自陸州。太守張公自甬東。又  
皆先生之鄉後進也。意者當年伏羲共事諸公。分身  
應現。或抱孤於覆巢完卵之時。或報命於禁網濶疎  
二百四十餘年之後。誰謂浙脉可斷哉。此古今一大  
因緣也。嘻。此又古今一大奇也。是故陳子繼儒拜命  
額首而爲之記。

叙事則斑馬布格。則蘓韓而吊忠旌節之意大堪  
廉頑起懦。此眉公之文之最佳者與。



天  
下  
之  
事  
無  
不  
有  
其  
理  
也

三

關中書院記

馮從吾

不盛事

余不肖，偕諸同志講學寶慶古刹有年矣。歲已酉十月朔日，右丞汪公憲、長李公憲、副陳公學、憲段公聯鑣會講。同志幾千餘人，相與講心性之旨，甚具驪然。日晡始別。瀕別，諸公謂余曰：「寺中之會，第可暫借，而難垂久遠。當別有以圖之。」明日，卽以寺東小悉園，檄咸長兩邑，改爲關中書院。延余與周淑遠諸君子講學其中。而汪公復爲書院，置公田，延綏撫臺涂公，聞而嘉之，以俸餘增置焉。講堂六楹，諸公扁曰：「允執。」蓋



命名切當

斯文正統卷之七

三三

避喧就寂  
道原本色

取關中中字意也。左右各爲屋四楹，皆南向。若翼東  
西號房，各六楹。堂後假山一座，三峰聳翠，宛然一小  
華嶽也。堂前方塘半畝，鑒亭於中。砌石爲橋，偏西南  
不數十武，掘井及泉，引水注塘，非覆以亭，二門四楹  
大門二楹，舊開於南，緣鄰官署，冠蓋紛遡，深山野  
人，不便廁跡，因改於西巷。境益岑寂，且不失吾顏氏  
陋巷家法也。西巷地基，乃用價易民居，大門外復構  
小屋數楹，仍居數家，以供灑掃之役。前後稍爲修葺，  
未及數月，煥然成一大觀矣。松風明月，鳥語花香，令

派天機



無窮生意  
正是講學  
一助

心學之祖  
肇自關中

人有春風舞雩之意。而劉郡丞孟直復爲八景詩以  
壯之一時同志。川至雲集。吾道庶幾興起。而余愧不  
足以當之也。一日講畢。諸生請曰。自昔書院創建。皆  
有記。而當道諸公盛舉。又不可泯焉。不彰也。先生得  
無意乎。余唯唯。因進諸生諗之曰。我關中形勝甲於  
天下。羲文武周。後先崛起。弗可尚矣。自橫渠後。理學  
名儒。代不乏人。蓋文獻之邦。而學問之藪也。吾輩生  
於其後。何可無高山景行之思。且書院各關中。而扁  
其堂爲允執。蓋借關中中字。闡允執厥中之秘耳。夫



無發於堯  
而其寶  
盡開之

字  
關中十二

中之一字。自堯始發之。所謂堯得統於天者此也。然  
中與不中。雖見於事。而實根於心。舜又恐人求中於  
事。而不知求中於心。故曰。人心惟危。道心惟微。惟精  
惟一。允執厥中。其旨微矣。然危微精一之辨。莫詳於  
子思中庸一書。蓋中之爲德。庸德也。中之爲言。庸言  
也。喜怒哀樂中節。子臣弟友盡道是也。於此一一中  
節。一一盡道。直至中和致而位育臻。然後可以合無  
聲無臭之妙。然後可以語盡性至命之學。嗚呼。豈易  
言哉。夫喜怒哀樂中節。固也。若必待已發而後求中。

節子臣弟友盡道固也。若必待既感而後求盡道。則晚矣。故必當一念方動之時而慎之。而後能中節盡道也。此慎獨之說也。故曰其要只在謹獨。雖然又必待念起而後慎之。則亦晚矣。故必當一念未起之時而慎之。而後能中節盡道也。此戒慎不覩恐懼不聞之說也。故曰靜中看喜怒哀樂未發氣象。一念未起則涵養此心。一念方動則點簡此心。於此惟精於此惟一。庶乎有不發。發皆中節。有不感。感皆盡道矣。嗚呼。豈易言哉。然人多不肯用戒慎之功者。何。蓋亦未



知有天命  
則君父師  
在其中矣  
不此之知  
而驕語三  
者奚益

知本體責任不容諉耳。且天命之謂性。非命之甘食  
悅色。如告子所稱。正命之使我位天地。命之使我育  
萬物也。我能位育。則性盡而能復天之命。我不能位  
育。則性失而無以復天之命。可不畏哉。命如君命。父  
命。師命。然君命。父命。師命。皆着於聲臭。而惟天命不  
着於聲臭。故曰。上天之載。無聲無臭。天之命我者。如  
此其重。而又無聲臭之可卽。念及於此。喜怒哀樂。雖  
欲不中節。不敢也。子臣弟友。雖欲不盡道。不敢也。獨  
雖欲不愼。不覩。不聞。雖欲不戒愼恐懼。不敢也。孔子

哀我人斯  
視亦憂憂

學至陸而  
誕焉之樂

曰畏天命。又曰小人不知天命而不畏也。彼不畏者。  
原不知耳。若知之。豈敢不畏哉。知本體之難諉。自知  
功夫之當盡。而或又謂本體原自現成。用功卽落意。  
識。是謂天地本位。萬物本育。而我不必位育之也。棄  
天。棄天甚矣。其如天命何。嗚呼。位天地育萬物。聖人  
此天命。凡人亦此天命。上而天子。此天命。下而庶人  
亦此天命。無聖凡貴賤。無弗同者。今吾輩自天生以  
來。俱各命之以位育之性。俱不容不講危微精一之  
學。卽汲汲皇皇。異日猶未知能復天之命否也。而尚



一語卽爲  
顧諟明命  
之鑒善言  
詩哉

敢暇逸爲哉。上帝臨汝。無貳爾心。願共勉之。諸生懍然曰。今而後。始解允執之義矣。敢不努力。以毋負上天所以命我之意。於是次其語書之以爲記。

新建格物之說。愚甚疑之。每向友人反覆辨論。而不之信。亦旣筆之困知錄中。及此集評語矣。近讀少墟先生集。其講學之言曰。陽明先生致良知三字。洩千載聖學之秘。有功於吾道甚大。而先生又曰。無善無惡心之體。有善有惡意之動。知善知惡是良知。爲善去惡是格物。夫有善有惡二句。與致

良知三字互相發明最爲的確痛快爲善去惡一  
句雖非大學本旨然亦不至誤人愚閑至此不覺  
拍案幸先生先得我心之所同然也但旣非本旨  
則孔氏入門第一義從此淹沒且使學者有離經  
畔註之憂亦安得云不誣人也又其言曰無善無  
惡一句關係學脉不小此不可不辨何也心一耳  
自其發動處謂之意自其靈明處謂之知旣知善  
知惡是良知可見有善無惡是心之體今日無善  
無惡心之體亦可曰無良無不良心之體邪近日



學者信致良知之說者併信無善無惡之說固不是非無善無惡之說者併非致良知之說尤不是斯言也尤予夙昔所習而未察者一旦得之如寤得寤如醉得醒喁喁然汗流浹背矣噫先生其程朱之後一人哉





